

宋吳曾纂
能改齋漫錄

第六冊

進步書
局校印

能改齋漫錄

PDG

能改齋漫錄卷十一

宋 臨川吳曾虎臣纂

記詩

祥瑞讖應

黃冕仲未第時嘗有魁天下之意。元豐四年南劍州譙門一柱忽為迅雷所擊。冕仲聞之口占絕句云。風雷昨夜破枯槎。借問天公有意無。莫是卧龍踪迹困。放開頭角入亨衢。次年冕仲遂膺首薦。又次年對策為天下第一。饒之浮梁縣有讖語云。青山圓出狀元。邑人程瑞尚書。在上庠累為優等。而尚未登第。嘗書詩與鄉人云。試問青山圓也。未不應久負壯圖心。明年公試上舍為第一人。

赤氣為皇子之祥

熙寧二年十一月京師每夕有赤氣見西南隅如火。至人定乃滅。人以為皇子降生之祥。故王禹玉作大宴樂辭云。未晚清風生殿閣。經旬赤氣照乾坤。

漢陽春日絕句

漢陽郎官湖春日絕句四首其一。兩山收雨暗平沙。遮斷溪梅隔水花。留得烟林作

圖畫依稀松際有人家其二空山玉蕊照瓊瑰到處尋花共往回欲識春風最奇處試來同看雨中梅其三朦朧花影月黃昏着意春風入酒痕知是江梅喜佳客倒垂花蕊照清樽其四十日春陰到水亭水邊楊柳一時青梅花過盡桃花惡乞取山樊入淨瓶尚書郎李祁蕭遠謫漢陽酒稅時所作也

除東坡書撰碑額

崇寧二年有旨天下碑碣勝額係東坡書撰者並一例除毀蓋本於淮南西路提點刑獄霍英所請時廬山簡寂觀勝亦皆毀去李商老為賦云筆底颺風吹海波勝懸鬱鬱照岩阿十年呵禁煩神護奈爾焚拊滅扎何

御賜甘露詩

大觀三年四月壬子尚書省甘露降御筆以中臺布政之所天意昭格致此嘉祥因成四韻以記其實賜執政而下云政成天地不相違瑞應中臺贊萬機夜范垂珠濡綠葉朝凝潤玉弄清輝仙盆雲表秋難比豐草青零日未晞本自君臣俱會合更嘉報上美能歸

仁宗賜送李良詩

李良定公。幼以國戚。侍仁宗研席。帝尤篤中外之愛。公帥鄆。帝以詩送行曰。魯館名臣子。皇家外弟親。詩書謀帥舊。金石剖符新。九郡提封遠。一圻甘澤均。純誠宜報國。撫士愛吾民。識者以為真王言。

錢文僖賦竹詩唱踏莎行

錢文僖公留守西洛。嘗對竹思鶴。寄李和文公詩云。瘦玉蕭蕭伊水頭。風宜清夜露宜秋。更教仙驥傍邊立。盡是人間第一流。其風致如此。淮寧府城上莎。猶是公所植。公在鎮每宴客。命廳簾。分行刻機。步於莎上。傳唱踏莎行。一時勝事。至今稱之。

荆公題王欽臣詩於扇

熙寧中。王欽臣仲至自河北被召。用荆公薦對。神宗問所與游從。公奏宋敏求。帝默然遣任。公因留一詩。書長老院中云。蜀客相如最好辭。武皇深恨不同時。凌雲奏罷還無事。寂寞文園興可知。然荆公愛其詩。自題於所執扇。

宋景文詩盡龍洞之景

三泉龍洞。以山為門。深數十步。復見天日。及山水之秀。蓋自然而成。非人力也。宋景文公賦詩云。虬洞聳雲峯。緣虛一綫通。雲披雙壁敞。樹補半岩空。概竹森烟蘂。飛泉

曳玉虹垂蘿不肯畫。陰壑自然風嶺斷。天斜碧崖傾日倒。紅浮丘邈難遇。留恨翠微中。曲盡龍洞之景。路漕為刻石。仍以石本寄公。公答書云。龍洞拙句。斐然妄發。閣下乃刊翠琰。示方來。言詩之人。得不咲我哉。江左有文拙。而好刊石者。謂之吟嗤符。非此謂乎。噓噓。

劉旦詩多稱傳

劉仲馮樞密之子。旦能詩。傳康伯嘗薦之。旦後過公墓。賦詩云。膺門昔忝登龍客。董墓今悲下馬人。時多稱傳。然東坡亦嘗云。隻雞敢望喬公語。下馬來尋董相墳。

文與可鷺鷥詩

洪覺範嘗記文與可鷺鷥詩云。頭細銀勾淺曲。脚高碧玉深翹。沙上眾禽同立。有誰似汝風標。然予又嘗見一首云。避雨竹間點點迎風柳。外翩翩靜依寒蓼。如畫獨立晴沙可憐。此亦佳作也。

詠茱萸

劉夔侍郎九日登女郎臺。記杜子美詩。醉把茱萸子細看。王摩詰詩。偏插茱萸少一人。因作詩二首云。華顛帽落從人笑。不插茱萸也是閑。次云。曾冠獬豸猶無勇。不信

茱萸可辟邪。程文簡公和答之云。霜枝凋翠。雁橫秋。莫倚危樓動旅愁。菊有清香。樽有酒。茱萸不插也。風流又云。秋風臺上起高歌。把酒看花意已多。屈軼不生神多死。結茱為佩。欲如何。

詩不厭改

韓子蒼紹興初寄居臨川。周表卿時為宜黃丞。歲滿公以詩送之云。往時束帶侍明光。曾看揮毫對御床。只道驂騑已騰踏。不知鵬鴞尚摧藏。官居四合峯巒綠。驛路千林橘柚黃。莫戀鄉關留不去。漢廷今重甲科郎。其後改峯巒綠為峯巒雨。橘柚黃為橘柚霜。改莫戀鄉關留不去。作莫為艱難歸故里。益見其工。東坡嘗語參寥云。如杜新詩改罷自長吟。乃知杜老用心甚苦。予以是知詩不厭改。其末云。漢廷今重甲科郎。意韓自言也。其後讀後漢孔融汝穎優劣論曰。汝南袁公著為甲科郎。上書欲治梁冀。穎川士雖慕忠讓。未有能授命直言也。乃知韓詩不苟如此。

南園柳色野塘春水

南園柳色動。野塘春水生。屢遊煩將吏。獨此守山城。韋蘇州早春詩也。今所在集本皆不載之。

竹尊者

崇勝寺後有竹千餘竿。獨一根秀出。人呼為竹尊者。洪覺範為賦詩云。高節長身老不枯。平生風骨自清癯。愛君修竹為尊者。却笑寒松作大夫。未見同參木上座。空餘聽法石於菟。戲將秋色供齋鉢。林月批風得飽無。韓子蒼云。始黃太史見之喜。因手為書之。以故名顯。

李清卿詩得於衣襟

胡馬南來久不歸。山河殘破一身微。功名誤我等雲過。歲月驚人還雪飛。每事恐貽千古笑。此身甘與眾人違。艱難重有君親念。血淚斑斑滿客衣。李清卿所作也。清卿既死。因葬。得此詩於衣襟。

孫妙仲詩啟

林亭長夏愛濃陰。來引茶甌一散襟。忽去却來蜂个个。自還啼住鳥深深。山家一尺滿湘石。掃盡雲腴齒頰清。驚破午窗蕉蘂夢。轉為風外小松聲。豐城孫妙仲兩絕句也。孫有謝登第啟云。虎士開關。傍徨丹禁。龍章在御。髣髴天光。

孫妙仲作截臂行

妙仲名登。豐城人。崇寧初。尉於撫之崇仁。才一月。允民陳平。為族人陳遇。執以為盜。後二十日。而平之父宗應。老且瞽。平乃以誣陳遇之子洵直。以為執已為盜時。其父為洵直以鐵挺擊傷其首。登與覆驗官吳某。忘其名。按之。絕無迹狀。謂平雅與遇有釁。欲必誣遇之子以死。俟其屍胖脹潰爛。不可別白。後登與吳所驗。時又二十日。然後醉其弟誅之。使斷一手。以訴於州。州大驚。不復察其事情。唯以斷手為決有冤。於是帖宜黃簿李涇再覆。涇流外人。專以迎合為事。遂指閱二十日胖脹潰爛之屍。為有迹狀。以傳會之。既而獄具。登辨之不已。州稍悟。然業不可盡變。乃變其情。得不殺。而登與吳猶以輕罪罷官。蓋崇仁之民。前此有避刑名。塞逋負。而輒殘其支體者。平之姦謀既逞。而效之者益眾。始惟山谷無賴之民。至其後市人。舒琦。吏人。吳昕輩。亦相繼而作。凡此非因州縣阻抑。或予奪不中。有激而後為。祇欲取必於官司。以濟其姦耳。登因作截臂行。以告在位者。庶革其風。然江西之民。習俗至今猶爾也。今錄於此云。吾聞兩臂重於天下。不可廢。知之不必子華子。愚民氣焚胸。一忿敢趨死。以死視四支。截臂如去指。嗚呼。巴陵之民。何以有此風。疾痛利害人所同。甘心一臂捐。壘壤終身廢。卧閭閻中。前年截臂渠得理。今年截臂吾亦爾。村南截臂殺平人。村北忽

休還準擬。他民他民。用心若此。非吾人有。冤自可次第訴。毒人何必殘其身。聞者苦驚。噫。此弊吾能言。其初姑息吏。不與杜其源。嗟哉惡俗傷仁厚。明明有冤宜勿受。一姦不濟百姦消。共致和平裨在宥。

曹衍託意為鷺鷥貧女絕句

曹衍。衡陽人。太平興國初。石熙載尚書。出守長沙。以衍所著野史。繳薦之。因得召對。袖詩三十章上進。首篇乃鷺鷥貧女兩絕句。蓋託意也。鷺鷥云。波瀾靜處立身孤。鼯雪攢霜腹轉虛。盡日灘頭延頸望。能銷大海幾多魚。貧女云。自恨無媒出嫁遲。老來方始遇佳期。滿頭白髮為新婦。笑殺豪家年少兒。太宗大喜。召試學士院。除東宮洗馬。監泌陽酒稅。

鼓子花開也喜歡

王元之謫齊安郡。民物荒涼。殊無佳況。營妓有不佳者。公作詩曰。憶昔西都看牡丹。稍無顏色便心闌。而今寂寞山城裏。鼓子花開也喜歡。唐杼情集。記朝士在外地觀野。花追思京師舊遊。詩云。曾過街西看牡丹。未謝即心闌。如今變作村田眼。鼓子花開也喜歡。蓋王判定此詩耳。

錢思公寄晏元獻牡丹絕句

元獻晏公為丞相時。作新第於城南。時錢思公鎮西洛。要求牡丹於思公。公以絕句并花寄晏云。名花封殖在秋期。翠石丹莖幸可依。華館落成和氣動。便隨桃李共芳菲。

權常侍詩

今朝有酒今朝醉。明日愁來明日愁。予嘗以俚俗所作。偶閱抒情集。乃知權常侍審詩也。上兩句得則高歌。失則休。何須多恨太悠悠。權又題山院云。萬葉風聲厲。一山秋氣寒。曉霜浮碧瓦。薄日度朱欄。

馮當世人目為金毛鼠

丞相馮當世。少嘗薄遊里巷。為街卒所繫。鄂守王素見而釋之。及使關中。素方帥謁之。燕犒歡甚。貽之以詩。各炭難酬當日事。積薪深愧後來恩。嘗為呂獻可所劾云。京所至嗜利。西人目為金毛鼠。以其外文采而中實貪穢也。

荆公題夏蚊扇

王荆公嘗題一絕句於蚊扇云。白馬津頭驛路邊。陰森喬木帶漪漣。夕陽一馬匆匆

過夢寐如今十五年。本集不載。見湓川集。

韓子蒼記李太白續詩

韓子蒼云。舊傳李白幼不羈。為昌明縣小吏。已能五七言詩。嘗隨縣令至江邊觀溺水婦人。令哦詩曰。二八誰家女。漂來倚岸蘆。鵞鵲眉下翠。魚弄口傍珠。下句不屬太白。率爾對曰。綠鬟隨波散。紅顏逐浪無。何因逢伍相。應是怨秋胡。令始奇之。

李伯時好鐘鼎古文奇字

李伯時公麟。雅好鐘鼎古文奇字。自夏商以來。以先後次第之。聞一器。則捐千金。不少靳。所蓄曰富。具為圖記。蔡天啟嘗得商祖丁彝。李尤寶愛。因作詩贈云。上沂虞姁亦易爾。下者始置周秦間。造端宏大叮咛絕。往往世俗遭譏訕。蓋實錄也。

詠假山詩刺荆公

陳無已詩話云。某公用事。排斥端士。矯節偽行。范蜀公詠僧房假山曰。倏忽平為險。分明假奪真。蓋刺之也。某公荆公也。予又嘗記一假山詩云。安石作假山。其中多詭怪。雖然知是假。爭奈主人愛云云。世以為東坡所作。不知是否。

江子我作牛酥行

宣和初。有鄧姓者。留守西京。以牛酥百斤。遺梁師成。江子我。端友。作牛酥行云。有客
有客來長安。牛酥百斤親自煎。倍道奔馳少師府。望塵且欲迎歸軒。守閨呼語不必
出。前已有人居第一。其多乃復倍於此。台顧顧視初怡然。昨朝所獻雖第二。桶以純
漆。麗且堅。今君來遲數又少。青紙題封難勝前。持歸空慚遼東豕。努力明年趁頭市。
曾庶幾放猿絕句

吉水與敝邑接壤。有曾庶幾者。隱士也。五代時。中朝累有聘召不起。故老有能記其
放猿絕句云。孤猿鎖檻歲年深。放出城南百丈林。綠水任君連臂飲。青山不用斷腸
吟。

李漢老為梅詩託意

李漢老建炎末。自簽樞密遷右轄。未幾遷知院。前後二三月而罷。因為梅詩以託意。
云。綿霜厯雪愈開遲。風笛無情抵死吹。鼎實未成心尚苦。不甘桃李傍疎籬。

王公祐贈率子廉三絕

東坡作率子廉傳畧云。禮部侍郎王公祐。出守長沙。奉詔禱南嶽。訪魏夫人壇。察其
義載與俱歸。居月餘。落漠無所言。復送還山。曰。今當以詩奉贈。既而忘之。晝寢夢子

廉來索詩。乃作二絕句。書板置閣上。云云。未久。云云。詩不見全篇。書以遺其曾孫。畢使求之家集而補之。予嘗見王所贈率。凡三絕句。不止於二也。其一云。下瞰虛空臨絕澗。上排烟霧傍山巔。四邊險絕無猿鳥。獨卧深雲二十年。其二云。古屋黃崖映月關。年年常伴白雲閑。糲糧丹火何從出。四面無人見下山。其三云。心意逍遙物莫知。山中山下識人稀。想君絕慮離塵土。不是王喬即令威。并有詩序云。率君者。容貌高古。雅性混然。故神機妙用。無得而窺也。予訪於山中耆艾。繼黃摘人瑕釁者。皆言率君出處。不見其迹。殆非凡人也。予景慕無已。因為詩三章寄贈云。

荆公親札詩

荆公嘗仕鄆縣令。昔見一士人。收公親札詩文一卷。內有兩篇。今世所刊文集無之。其一馬上云。三月楊花迷眼白。四月柳條空老碧。年光如水盡東流。風物看看又到秋。人世百年能幾許。何須戚戚長辛苦。富貴功名自有時。簞瓢梓茹亦山嶠。其二書會別亭云。西城路。居人送客西歸處。年年即問去何如。今日扁舟從此去。春風吹花落高枝。飛來飛去不自知。路上行人亦如此。應有重來此處時。

詔草非諫草

陳後山云。歐陽公謂袖中諫草朝天去。頭上宮花侍燕歸。誠為佳句。但進諫必以章疏。無直用藁草之理。按此詩。乃太宗朝。王操投贈李昉相國詩。不若印槩與徐翰林詩云。諫書未上先焚草。御筆曾傳立制麻。槩。五代人也。然予見雅言系述載操詩。乃詔草。非諫字。

毛達可稱陳克杜子美不是過

毛友達可內翰。守鎮江時。賀方回以過客留寓。一日陳克繼至。同會於郡樓。即席克賦詩。所謂徘徊臨北顧。慷慨俯東流是也。毛稱實曰。雖杜子美不是過矣。翼日賀求去。毛留之。且訝去。賀曰。一郡豈容有兩箇杜子美。二公相與大笑。

田丞君記姚嗣宗詩

田丞君記姚嗣宗題崆峒山寺壁云。南粵干戈未息肩。五原金鼓又轟天。崆峒山叟笑相語。飽聽松聲春晝眠。范文正公帥延綏。因巡邊見之。大驚。索之不得。久之表為幕府。姚有詩破賀蘭名。掃清西海塵。而張元昊竟造西夏為邊患。張亦有鸚鵡詩。卒章有好置金籠收拾取。莫教飛去別人家。姚又有述懷詩。大開雙白眼。只見一青天。張亦有雪詩云。五丁仗劍決雲霓。直取銀河下帝畿。戰死玉龍三十萬。敗鱗風捲滿。

天飛

秦益公賞孫仲鼇詩

光堯賜御書秦益公一德格天之閣牌。一時縉紳獻詩以賀。唯孫仲鼇一聯。為秦所賞云。名何阿衡篇裡得。書從復古殿中來。生日四方賀詩尤多。嘗取其三聯云。朝回不入歌姬院。夜半猶看寒士文。虜人爭問年今幾。天子恨無官可酌。建邺三公今始有。靖康一節古來無。蓋取其親切耳。蜀人李善詩。無窮基有無窮聞。第一人為第一官。後言者以為過。有旨禁之。仍著令。然前輩類多有之。如荆公東坡皆有。曾魯公張文定生日詩。

劉莘老和王定國雪中絕句

劉莘老丞相。和王定國雪中絕句。袁安只有高眠興。謝朓空餘後會艱。十萬健兒春瘴近。飛花宜過海南山。定國云。公無乃學歐陽公耶。劉為之一笑。蓋晏元獻為樞密使時。西師未解嚴。會天雪。陸子履與歐公同謁之。晏置酒西園。歐即席賦詩。有主人與國同休戚。不惟喜悅將豐登。須怜鐵甲冷徹骨。四十餘萬屯邊兵。晏由是銜之。語人曰。韓愈亦能作言語。作裴令公宴集。但云園林窮勝事。鐘鼓樂清時。劉和詩時政。

元豐間朝廷方問罪安南故定國援以為戲

曾郎中獻秦益公十絕句

紹興壬戌朝廷既罷三大將息兵議和曾郎中惇時守黃州獻書事十絕句於秦益公秦繼進於上上喜與陞擢差遣任滿除台州詩云黃泥坂下雪猶深赤壁磯頭江欲平驛吏西來聞好語番人已出蔡州城和戎詔下破羣疑無復虜頭髻紫微屈已銷兵宜有報先看長樂板輿歸吾君見事若通神兵柄收還號令新裴度至今真聖相勒碑十丈可無人淮上州州盡滅烽今年方喜得和戎問誰整頓乾坤子學語兒童道相公連營貔虎氣如雲聽詔人人願立勳汚邪斬黃一千里更無人說岳家軍田父今年作社頻當頭聞見一番新官軍不斫人家樹各自持錢去買薪江頭柳木已參天柳色花光日日妍驚怪田家頗得醉今年斗米不論錢村村準擬十分禾老稚扶攜笑且歌租稅今完黃紙放陽城元自拙催科淮畔風塵自此清斯人還喜見昇平田家盡說今年好要雨雨來晴便晴百丈奇我賈客船張帆打鼓下長川路人指點幾垂淚江道無來十六年其三章稱裴度只今稱聖相者李義山韓碑詩云帝得聖相相曰度蓋取晏子春秋云仲尼魯之聖相也其五章云岳家軍者蓋時江左

二大將。皆以家稱之。其不沒人之善可知矣。

韓子蒼詠太平宰相

韓子蒼獻王將明生日二十絕句。內一絕句云。萬里青霄發軔時。驂驪絕足看奔馳。太平宰相何人識。唯有巫咸得預知。蓋王父行可初臨臬時。將明為編修官。行可問異人王老志。他日官所至。書太平宰相四字遺之。即以墨塗滅其字。前詩敘此耳。

宋文淵詩

諫議宋文淵齊愈宮詞云。禁城春水碧溶溶。洗出桃花萬片紅。葉上細看無一字。始知無女怨春風。睢陽道中云。竹溪噴絕雨才通。無數深紅間淺紅。山店落英春寂寂。青旗吹盡柳花風。向來松桂喜無恙。坐久復聞南澗鐘。隱隱修廊人語絕。四山滴瀝雪鳴風。

晁以道詩為絕唱

東萊先生呂居仁云。晁以道詠之。西池唱和詩。旌旗太乙三山外。車馬長楊五柞中。柳外雕鞍公子醉。水邊紈扇麗人行。殆絕唱也。

高秀實和高郵道中詩